

四庫全書

集部

欽定四庫全書

集部

稿文集卷八

詳校官庶吉士臣陳若霖

侍讀臣孫球覆勘

謄錄監生臣沈霽

謄錄貢生臣張大同

欽定四庫全書

摘文集卷七

宋

慕容彥逢 撰

制

蕃官羅保與轉一官制

勅具官某爾服勤邊圉克有戰功宜進厥官昭示嘉獎
欽予時命尚懋爾忠可

西京左藏庫副使喬伯虎與轉兩官蕃官西京
左藏庫副使胡志德與轉一官蕃官文思使羅

萬成與轉三官內一官回授與五服內有官親屬蕃官文思副使爾善轉兩官制

勅具官某爾等各以戰多達於朕聽忠勇若此宜有褒嘉擢進厥官益圖稱塞可

策凌博族首領嘉勒幹進補皇城副使奉聖旨特與轉兩官制

勅具官某爾躬冒矢石追襲寇攘誅斬既多仍有俘獲帥司條上功狀為優擢進兩官以示甄獎服茲明命無

替忠勤可

文思副使董厚與轉一官制

勅具官某惟爾服勤疆場以有戰多朕不弭忘特加甄叙進官一等其往欽承可

開封府捉事使臣韓慶朱渙可各轉一官制

勅具官某以汝捕獲之勞宜有甄獎遷資示寵於汝為榮無替恪勤務稱恩命可

左藏庫副使莽丹內庭崇班包喜各轉兩官東

頭供奉官隆布盤轉一官制

勅具官某等爾等夙以材能服勤疆場河湟之復咸有戰多用加褒陞昭示獎激往共乃服尚其勉哉可

右驥驪使張晞如京副使兼閣門通事舍人王子曼共特與轉三官內張晞兩官回授與五服內有官親屬內庭承制陳懷遜官苑副使焦用誠供備庫副使鄧譽東頭供奉官王志各與轉兩官供備庫副使高靖西京左藏庫副使王舜

中內庭崇班沈超東頭供奉官王正臣各轉一

官制

勅具官某等爾等擐甲執兵出入行陣河湟之復咸有
戰多功狀以聞第加賞擢益思奮勵以副恩章可

蕃官內庭崇班牛伊格與轉一官制

勅具官某爾發於忠誠奮身效順朕所嘉尚宜有褒陞
序進一官昭示獎激往加勵勉以副恩章可

左藏庫副使竒多遇內庭崇班李仕吉各與轉

一官制

勅具官某等汝等冒犯矢石以立戰多宜進厥官昭示
獎激往圖後效嗣有寵嘉可

如京使趙抃右班殿直王豫可各轉一官制

勅具官某等招諭逋逃爾預宣力進官一等以示褒嘉
往承朕恩勿替忠恪可

三班借職鄭貴妃位掌殿奏陳濟可轉一官制
勅具官某惟爾祗事有勞宜加甄獎擢遷位序其往欽

承可

舊城裏左廂居養院提轄使臣左班殿直楊寧

可轉一官制

勅具官某朕置居養院以處鰥寡孤獨之民法令既備尚慮有司便文自營命官按視惟汝奉行勤恪民得所歸至於歡呼感激朕甚嘉之擢進厥官以為能吏之勸往嘉懋勉嗣有寵褒可

將作監李誠提轄兵匠官曹滋可各轉一官李

誠係右朝議大夫曹滋係朝請郎制

勅具官某等比營崇報既克考成工役不愆勞列可尚爾等預茲典領咸著恪勤以錫恩章以示嘉獎進官一等其往欽承可

內庭崇班李紹與轉三官制

勅具官某爾三立戰多兵無忘失宜加優獎以勵邊城超進厥官茲為懋賞往承無替朕不爾忘可

保安軍順寧寨蕃弓箭手指揮覺默特族右侍

禁阿穆爾與轉五官制

勅具官某順寧之役爾預有功斬馘既多仍執強敵進官五等時乃異服往服寵章無替忠勇可

左侍禁克學士院待詔巡訓為三次書寫泛使國書特與轉一官制

勅具官某爾以書藝承詔三寫國書列狀自陳朕命甄錄進官一等於爾為榮可

內庭崇班孟遠與轉一官制

勅具官某惟爾奮武邊陲抗賊決勝以推恩典以賞戰
多序進厥官往其祇服可

宣德郎閻騃宣義郎舒彥舉可各轉一官制

勅具官某等夏人入貢邦有常儀命官刊修書成來上
惟爾咸以推舉獲與討論宜錫恩章昭示嘉獎進官一
等其往欽承可

西頭供奉官棟智默特與轉四官制

勅具官某惟爾以忠效順獲邁班聯克有戰功達於朕

聽宜加倍賞往復優恩宜思報命可

得功人內殿承制韓庠加四級西京左藏庫副
使李介二級西頭供奉官李壽二級每級轉一

官制

勅具官某等爾冒犯矢石咸有戰多帥臣以聞按級加
賞第遷品秩時乃優恩往服承書益思奮勵可

西頭供奉官睢文約可轉一官制

勅具官某收復鄆鄆爾思置郵抵事無違宜有褒賞進

官一等往其欽承可

勾當修內司使臣張祐鄧述劉道催促修造使
臣李景約晉用宋明可各轉一官制

勅具官某等朕命有司繕飾原廟爾等恪勤厥事工役
不愆宜進官榮以示嘉獎往承寵命益懋爾能可

尚衣奉御李鎮可轉一官制

勅具官某爾職在尚衣掌於冕服夙夜祗事勤恪可稱
序進厥官惟以示勸欽予時命尚其勉哉可

西頭供奉官折可褒與轉三官制

勅具官某惟爾冒矢犯石抗賊效忠克有戰多達於朕聽
進官三等以示獎優往服命書愈加勵激可

內殿崇班鄒清與轉兩官梁德與轉一官東頭
供奉官楊隆西頭供奉官宋伯威各與轉兩官

制

勅具官某某爾等奮武邊陲誅斬強敵視功輕重叙進
厥官爰錫命書昭示獎激往其抵服毋替爾忠可

朝散郎家安國可轉一官制

勅具官某爾曩膺選掄往按茶事稅課豐裕效勞可稱
序進厥官維以示勸祗服恩命無替恪勤可

承制武道紀崇班丁克彥皇城副使楊球入內

西京左藏庫副使陳思溫供奉官周覺盧贄楊

安國王昺耿維康陳諤王方徐中立侍禁秦純

吳之紀杜卿張旼樂僖趙士旻殿直孫丹方承

約張顯郭璿毋玉王士亨奉職陳子淵徐昇借

職司孟呂師嚴可各轉一官制

勅具官某等朕即英祖舊邸崇建寶坊爾等率職於茲
俱有勞勩進官一等以示寵嘉往服恩章益思勵勉可
文思使吳元瑜入內供備庫副使張易承制吳
永可各轉一官制

勅具官某朕即英宗舊邸重建寶坊爾等俱以材力之
優協濟厥事稽其功緒恪勤可嘉宜錫恩章擢陞位秩
往加勵勉無替前勞可

入內文思副使胡宗傑入內西京左藏庫使楊
茂昌入內文思使何訢入內左藏庫使榮州刺
史陳宥入內東頭供奉官黃訓入內內庭承制
鄧忠臣凌德臣可各轉一官制

勅具官某等朕眷撫庶工錄其勞列雖在疎逖褒賞以
時矧惟左右之臣乎爾等出入禁庭奉勤夙夜恪謹之
節久而益彰宜服朕恩厚陞品秩尚加勵勉務稱寵榮

可

入內西京左藏庫使郭禹臣入內供備庫使張
奭入內供備庫副使張彥明入內東頭供奉官
宋旻可各轉一官制

勅具官某等朕追懷恭懿保翊累朝錄其舊人昭示恩
紀爾等出入禁闥咸著恪勤以膺寵嘉擢陞位秩往加
勵勉以稱所蒙可

入內文思使舒州刺史楊日言入內左藏庫使
黃諶入內文思使范仔入內文思副使閻祖德

入內文思副使楊端入內西京左藏庫副使鄧
繼英入內內殿承制朱輔世入內崇班王允文
鄭謨入內東頭供奉官王褒張令可各轉一官

制

勅具官某等朕仰膺乎佑弓緝告祥爵賞之施邦有常
典爾等率職禁省祗奉有勞察其恪謹宜加甄獎序陞
位秩錫以命書往其懋承益思報稱可

入內內侍省官朱祐之石瑾張補之李雍陳思

恭王堯臣張正夫賈蒙江謔張欽若許佃容誼
趙贄可各特轉一官制

勅具官某等朕賴天眷祐錫羨宮闈慶賞之施厥有常
典爾等列職禁省勤慙恪恭積有勞能宜加甄獎用錫
寵命宜進厥官往務欽承益思稱塞可

入內內庭承制張佑入內左藏庫使王佑各轉
一官制

勅具官某等禁省近臣功緒可考以時叙進茲謂典常

爾等出入禁庭勤恪靡懈會課來上宜錫恩章往其欽承務稱甄獎可

入內左藏庫永州團練使馮鐸可轉一官制

勅具官某稽勞叙進不以遐遺矧吾禁省之臣會課來上褒能之典厥有故常惟爾稟資溫恭迪已勤慤率職有裕闕闕具存宜進厥官以示甄獎服茲寵命尚加勉哉可

內侍省內殿崇班藍惟信可轉一官制

勅具官某惟爾從子功緒可嘉爰錫恩章許其回授宜
遷爾秩以示寵嘉往服命書毋忘勤恣可

入內西京左藏庫副使張僅可轉兩官制

勅具官某朕推一心以馭羣臣任無內外必稽其功緒
而進之爾服采禁省克自抑畏閱歲茲久積勞當遷叙
進厥官往其祗服可

入內內殿崇班鄧宗仁入內左藏庫使梁昭慶

可轉一官制

勅具官某等官省之臣出入禁闥恪勤不懈考績維明
有司以聞法當叙進宜遷位秩昭示寵嘉往克欽承尚
有超擢可

供備庫副使蘇球東頭供奉官蕭恭右侍禁張
廉張孝忠梁嘉叟右侍禁華鎮崇班劉震右侍
禁錢景寬右班殿直蘇絢可各轉一官制

勅具官某等浮梁建壘工役不愆爾等咸服事勞協力
趣辦宜推恩典以示褒嘉序進厥官往承無數可

入內內侍省西染院使郝平可特轉一官制

勅具官某朕考覈羣臣錄其功緒爵祿之賞資以勸能
惟爾賦材敏明迪已勤志踐揚事任積有顯勞宜錫命
書褒進厥位往加勵勉務稱朕恩可

入內內侍省供備庫副使張禹偁西頭供奉官
武昱可各轉一官制

勅具官某等朕在潛邸時嘗造燕府相與講學爾等實
預抵奉念之不忘宜錫恩章特遷位秩往加勤志以稱

所蒙可

入內右驥驥使裴絢可特轉一官制

勅具官某曩築蕭關爾預宣力以時促辦工役不愆勞
列之優宜膺厚賞用申舊命加進厥官褒善錄勤惟以
示勸往服朕訓無怠欽承可

入內文思使董舜臣可轉一官制

勅具官某朕考覈羣臣錄其功緒爵祿之賞資以勸能
爾出入禁庭謹恪可尚軍器建局率職有勞宜錫恩章

以示甄獎擢陞厥位其往欽承可

入內西京左藏庫副使黃洙可轉一官制

勅具官某朕考覈羣臣錄其功績爵祿之賞資以勸能
爾材資之優率職有裕軍器建局宣力為多宜錫恩章
以示甄獎擢陞厥位往其懋哉可

入內西京左藏庫副使張禹偁可轉一官制

勅具官某爾祇事皇府閱歲既多宜錫恩章以示甄獎
進官一等其克欽承可

入內右驎驥使朱拱之入內左藏庫副使何訢

可各轉兩官制

勅具官某等爵祿之賞操柄在予念功簡勞人用胥勸
惟爾服職官省夙著恪恭茶事告成預有勤績宜加甄
獎昭示寵嘉用錫命書擢陞位秩往承無替尚有異恩

可

入內內侍省文思使滎州刺史陳宥可轉一官

制

勅具官某計其歲月察其行能而後進之此有司考績之政也雖吾宮省之臣耳目所及亦率是法惟爾出入禁闥勤勞可稱會課以時既應遷格序陞品秩爰錫命書服往寵榮尚加勵勉可

入內左藏庫副使黃希叟可轉一官制

勅具官某爾祗事宮省勤勞不渝論課有司既應遷格宜陞班秩以示褒嘉往服恩榮益思懋勉可

入內內殿承制楊軫可轉一官制

勅具官某爾報事內省勤必可稱褒進以官往其祗服
可

入內內侍省禮賓使及入內內侍省左藏庫副

使胡宗傑等並轉一官制

勅具官某等考績之法以勵庶工褒善錄勤靡間疎遠
矧吾禁省之臣義豈當後惟爾宣勞夙夜勤必不愆會
課當遷叙進厥位是雖有司之常法非率職勵行其何
以稱此可

入內內侍省左藏庫副使張瑛可轉一官制

勅具官某禁省之臣職任親近稽勞叙進時乃舊章惟爾材資之優濟以勤恪有司會課率職可嘉宜錫恩章俾陞位秩往其勵勉以對寵恩可

入內左藏庫副使何訢可轉一官制

勅具官某宮闈嗣慶爾父預恩祈以寵章屬於子姓惟爾出入禁闈勤志不愆宜錫命書進陞位秩無忘忠孝乃稱所蒙可

入內西京左藏庫副使劉光祖可轉一官制

勅具官某汝涖職恪勤達於朕聽進官一等以示寵嘉
往服恩章勿替厥志可

入內侍省內東頭供奉官熙河路走馬承受
公事秦肅之特轉兩官制

勅具官某汝出入戎行以駿奔承命為職迺能審度事
機率先士卒奮身鋒鏑之間決戰取勝誅斬首惡閱級
既多幕府以聞朕用嘉止進官二等以懋汝功服我寵

榮愈加勵勉可

朝請大夫尚書省都事呂昭敏韓祥可轉一官

制

勅具官某等朕命儒臣編次學制成書來上爾與有勞擢進一官以示甄獎往承茂渥無替恪勤可

手分借職邵淵左安仁廉公謹可轉一官制

勅具官某等爾奉行文書勞勩宜賞進官一等其往欽哉

可

宣政使深州防禦使賈祥可使額上轉行一官

制

勅朕親御翰墨判定學校之政令命官編次既獻成書
應奉之臣宜膺慶賞具官某持身祇肅涖職恪勤揚歷
既多休有譽處惟茲建局承命不愆宜進厥官昭示嘉
獎往其欽佩並懋厥修可

西京左藏庫副使邢從善可轉一官制

勅具官某惟爾昔應奉常援例祈恩寵進一官以示甄

錄往服朕命無替恪勤可

皇城副使權發遣本路都監新差權發遣保安
軍耿端彥莊宅副使本路第六將孫廣如京副
使本路第六副將梁璋各特與轉兩官係廊延
路制

勅具官某等朕率惟救功以固封宇西陲招納爾克有
勞超進厥官以示獎激往加勉勵尚有寵榮可

監成都府上供機王隨可轉一官制

勅具官某織絰之工在成都者汝實總之克勤乃職勞
列可嘉宜進厥官俾乃舊服體予甄獎尚加懋哉可

宣德郎魏當可轉一官制

勅具官某朕重建琳宮修嚴像設爾預供億宜錫恩章
擢進一官往其祗服可

朝請郎集賢殿修撰知荆南軍府董必特轉三

官制

勅具官某朕操八柄以馭羣臣爵賞之施非迪有功未

嘗虛授爾以書殿華貫作帥荆湖經理封疆既克就緒
進官三等以懋爾勞圖稱所蒙尚有顯陟可

通直郎提舉夔州路常平等事張杲與轉一官

制

勅具官某朕祗邁先猷恢崇學校庶幾道德一風俗同
汝為部使者能糾察異論助朝廷所以訓迪多士之意
朕甚嘉之進官一等為汝寵榮往其欽承益勵治行可

通直郎李亘可轉兩官御批鰥寡孤獨王政所

先條令雖具施行在人漂陽縣分為八室男女
異處各得其所宜在褒勸其知縣特轉兩官候
任滿日與堂除差遣制

勅具官某朕閔鰥寡孤獨之民困窮無告廣建居養所
以安集之有司供億事為之制朕之撫綏斯民亦已勤
矣顧條令雖具而施行在人惟爾究宣德意分治室廬
男女異居各得其所設施之美達於朕聞不有褒陞何
以示勸進官三等時乃異恩俟其終更別加除擢往服

朕命無替恪勤可

擢貨務監官朝奉大夫宋康年吳薦朝請郎丁
維買鈔所監官文思副使左厚之奉議郎周中
可各轉一官制

勅具官某等鈔法之行爾實推奉會課饒羨良見恪勤
宜錫寵章擢陞品秩往加勵激務稱所蒙可

承務郎知鄭州管城縣范世修奉議郎通判永
興軍王直臣奉議郎僉書陝州節度判官廳公

事王觀國可各轉一官制

勅具官某某爾等招諭逋逃俾還尺籍效實可尚達於朕聞褒進厥官維以示勸往思報稱無替恪勤可

朝奉郎張伯昌宣義郎王萬承議郎徐宅供備
庫副使魏伯成李彭年皇城使京畿提舉保甲
兼提刑劉戒朝奉大夫趙士宇朝奉郎提舉京
畿常平王仲原承議郎孫奎周廷堅奉議郎向
濤宣德郎樓光翟敦仁宣奉郎向滌應安道入內

內侍省供備庫副使黃希叟左藏庫副使王朗
皇城使河東第六將開德府駐劄劉承德等各
轉一官制

勅具官某某爾等預修比輔各廸有功宜錫寵章以示
甄獎進官一等時乃茂恩往其欽承益圖稱塞可

涇原路定戎鹽池提舉措置官夏僊勾管種收
給納劉雄陳開並各轉一官制

勅具官某某等鹽池奏課歲額遞增經畫於茲惟爾勞勩

宜推恩典以示褒嘉序進一官往其抵服可

朝請郎知北外都水丞公事葛仲良朝奉郎權
發遣通利軍句仲甫可各轉一官制

勅具官某等營建新壘役不愆期惟爾供億之勞宜加
甄賞用錫寵命擢厥官務往欽承無替勤恪可

通直郎河北路運判張翬可轉一官制

勅具官某爾以材選往佐漕臺工役造成與有勞勩擢
陞位秩維以勸能往服恩典章尚加懋勉可

朝散官同管勾成都府利州陝西等路茶事兼
提舉陝西等路買馬監牧公事廳龐寅孫轉一

官制

勅具官某爾比擢使軺監摧監牧鬻馬三萬差擇惟良
勞列之優宜示甄獎用錫名命寵進厥官往其欽承愈
加勵勉可

知岷州降授左藏庫使威州刺史馮瓘通判岷
州奉議郎石緝岷州都監供備副使魏允中可

各轉一官制

勅具官某等爾效職外邦預吾馬政鬻數登足功緒可
嘉宜進厥官昭示甄獎往加勵勉以稱茂恩可

太常博士單暉可轉兩官兩浙提舉學事路璿
可轉兩官制

勅具官某等朕親定學校政令付之儒臣俾加編次爾
等俱以文行被選披閱于茲書成叙恩擢陞位秩往服
寵命益懋厥修可

朝散大夫直龍圖閣提舉成都府利州陝西等
路茶事兼陝西等路買馬監牧事孫鼇亦可與
轉一官制

勅具官某惟爾心術疏通濟以勤恪市茲萬馬差擇惟
良稽勞叙恩擢陞品秩體予嘉獎其懋承之可

朝散郎權發遣陝府兩路轉運判官公事孫琦
朝奉郎權知解州宋表徽承事郎權通判河中
府李益可各轉一官制

勅具官某爵祿之柄在予一人褒善錄勤夫豈虛授爾等協力齟事各廸有功宜錫恩章俾遷位秩往其祗服益懋厥修可

宣德郎通判乾寧軍王雲可轉兩官制

勅具官某朕嘗遣使往撫三韓爾以牋筦從行實紀其事成書來上文理可嘉擢進厥官仍佐軍壘往思勉勵以稱寵褒可

引進副使雄州防禦使姚古可使額上轉一官制

勅具官某爾統吾虎士修築有勞帥臣以言朕所嘉尚
特遷品秩為爾榮寵往服命書益圖顯效可

右監門衛大將軍仲騫可轉一官制

勅具官某屬籍之親領秩環衛能以勤忠達於朕聞序
進厥官昭示嘉獎欽承無替乃稱所蒙可

左朝議大夫蹇序辰可轉一官制

勅具官某朕既寶藏宸集加惠史臣例進一官汝其祇
服可

左侍禁方榮可轉一官制

勅具官某爾以緝捕之勤討獲羣寇部使者條上朕用嘉之擢進厥官往具祗服可

太醫丞直翰林醫官局王舜卿可轉一官制

勅具官某爾諸父周道醫診有勞許以恩章屬於從子用遷爾秩往其欽承可

太醫丞直翰林醫官局李仲章可轉一官制

勅具官某爾父士爽醫診有勞許以恩章屬於子姓用

遷爾秩往其欽承可

司勳員外郎陳噩可轉一官制

勅具官某閤門彛制既獻成書惟爾久與討論宜有甄
獎進官一等示不弭忘往其懋承益思所稱可

天文官介玉仲孚康永昌可各轉一官制

勅具官某等爾等推測之精考驗不爽宜陞位秩以示
寵嘉往服恩榮益加懋勉可

太史局天文院學生蘇亮可轉兩官制

勅具官某歷書之成爾與祗奉錫茲恩命往其欽承可

醫官潘用中可轉一官制

勅具官某爾服勤醫診藝業惟良調治中官勞效顯著
宜陞位秩昭示寵嘉往服恩榮務先謹恪可

皇兄右武衛大將軍保州刺史士曠可轉一官

制

勅具官某宗正言爾學問淹通累中優選朕聞而嘉之
召試禁林以觀所蘊而程篇來上文理俱通宜進厥官

俾為屬籍之勸可

右監門衛大將軍仲侃仲維可各轉一官制

勅具官某等爾父宗諤受命仁廟敦諭英祖趣定儲極
載在信史朕心不忘宜錫恩章以寵厥後擢陞位秩其
往欽承可

兩朝佑聖太夫人姪孫左侍禁閤門看班祗候
張世昌可轉一官制

勅具官某朕追懷恭懿褒錄近親進爾一官錫茲名命

往其欽佩務稱寵榮可

郭獻卿男莊宅副使績可轉兩官制

勅具官爾父國之嫻戚奄其淪亡遺奏祈恩以為爾寵
朕用閔惻進爾官榮圖稱所蒙無忘忠孝可

承議郎試戶部尚書劉達翰林學士朝散郎知
制誥張康國朝散郎試尚書禮部侍郎王能甫
朝奉大夫試尚書工部侍郎管師仁可各轉一

官制

勅朕集神考詔札既藏之顯謨與詩書並傳垂訓萬世
爰推慶典以惠史臣具官某等學問文章時望所屬雍
容邇列載筆汗青宸集備成嘗預典領用加甄獎序進
厥官往其欽承無或謙避可

右武衛大將軍吉州防禦使世設可轉一官制
勅朕於羣臣之有功者雖遠不忘錄其世類矧宗室近
親恩紀宜厚者乎具官某爾父從古受命仁廟敦諭英
祖趣定儲極朕所追懷用錫爾祉大邦禦侮擢正使名

服茲寵榮務先謹恪可

知開德府顯謨閣直學士朝奉大夫李孝壽可

轉一官制

勅侍從之臣服采於外有勞當錄朕豈弭忘具官某材
術之優歷踐煩劇比修北輔供億不愆宜錫恩章獲進
厥序體茲異數尚加勉哉可

翰林學士鄭居中可轉兩官制

勅朕親御翰墨刊定學校之政令科條纖悉取成於心

編次之臣以書來上爰推慶賞褒叙其勞具官某氣節
端方才猷閑廓文章學問望實顯隆雍容禁林久茲典
領宜膺寵命擢進品階往體眷知無忘欽佩可

禮部侍郎劉正夫可轉兩官制

勅朕親御翰墨判定學校之政令科條纖悉取成於心
編次之臣以書來上特推慶賞時乃茂恩具官某服在
儀曹與茲典領例陞位扶朕不汝遺往其欽承無忘稱
塞可

起居舍人蔡疑可轉兩官制

勅具官某朕親御翰墨判定學校之政令命官編次既獻成書在局之臣宜均慶賞惟爾學術詞采嘗冠諸儒論議純明業履維稱服在右史與茲討論擢進厥官以示甄獎往其欽佩益懋厥修可

左藏庫副使楚沙木可轉一官制

勅具官某爾躬冒矢石以有戰多幕府奏功按級序賞進官一等於爾為榮可

西京左藏庫副使王偉可轉一官制

勅具官某爾所進醜虜以克有功閱級叙恩昭示嘉獎
服茲名命尚加勉旃可

西綾錦副使兼翰林醫官副使蓋演醫官副使
盧德誠翰林醫官賜緋丁銳翰林醫學李師老
可各轉一官制

勅具官某等爾等抵事衛府醫診有勞宜錫恩章昭示
嘉獎進官一等其克欽承可

供備庫使李庠可轉一官制

勅具官某惟爾率職不愆宜有甄獎用錫名命寵進厥
官往務欽承勿替勤恪可

翰林學士鄧洵仁可轉一官制

勅大禮彛制閤門定儀比命有司特加編次稽其功緒
宜錫恩章具官某操履端方問學純粹文章論議夙有
顯名兩獻成書條理該盡擢陞品秩以示寵嘉往服邦
榮益思報稱可

宣德郎尚書膳部員外郎王澤通直郎尚書職
方員外郎李康彥可各轉一官制

勅具官某等樞筦修書既成來上爾等夙以推擇久與
討論宜進厥官昭示寵獎往其欽佩務稱恩榮可

朝奉郎大司成兼侍講薛昂可轉一官制

勅夏人入貢邦有常儀命官刊修以垂永制成書來上
功緒可嘉具官某學問文辭朕所眷任資其詳定條列
該明宜錫恩章昭示寵獎進官一等往惟欽承可

右藏庫副使柴定官可轉一官制

勅具官某數級塞下爾預有功宜進厥官以勵忠勇錫
茲名命其克欽承可

文思副使馮鐸可轉一官制

勅具官某爾父與修貢儀例有褒賞移恩于姓朕所嘉
從進爾一官往其抵服可

奉議郎歐陽大椿可轉一官制

勅具官某惟爾弗徇請謁舉發其私吏守若茲氣節可

尚擢陞官次副以優恩今命近官特加審察體予甄獎
往其懋承可

閣門祗候劉敷可職上轉劉婕妤弟劉汝劉敏
可轉一官制

勅具官某等宮闈嗣慶恩及外官爾等俱以恪勤之資
列於戚里與茲寵典兄弟聯榮或擢進職名或序遷品
秩往其欽佩務稱所蒙可

左藏庫副使蘭日政可轉一官制

勅具官某爾服職有勞達於朕聽宜加褒陟示不弭忘
序進一官往承無斁可

太醫丞趙宗元翰材醫官趙嗣先可轉一官制
勅具官某等軍器建局爾與有勞擢進厥官以示甄獎
往祗乃服無替恪勤可

醫官熊希賢可轉一官制

勅具官某惟爾醫診之良克有勞效宜優常格序進厥
官往務欽承無替勤恪可

醫官王舜康張節可各轉一官制

勅具官某等爾父醫診有勞移恩子姓宜遷爾秩錫以命書往服恩榮益勤世業可

醫官卓遵國可轉一官制

勅具官某惟爾醫診之良克有勞效宜遷位秩以示寵嘉往服命書益勤厥藝可

軍器庫使兼醫官使卓遵國醫官使王處厚軍器庫副使兼醫官副使張希房蓋演高明之西

綾錦副使兼醫官副使趙廣文醫官副使張漸
王舜民太醫丞直醫官劉景溫太醫丞張永醫

官任元善可各轉一官制

勅具官某等朕荷天之休後星嗣慶爾等或與祗奉之
賞或膺回授之恩均被寵命序陞品秩往精厥藝務稱
邦榮可

太史局丞袁惟幾可轉一官制

勅具官某新歷成書爾與推測特蠲常格寵進厥官往

承朕恩務先恪守可

醫官國士英男之實醫官張倚男節可各轉一

官制

勅具官某等爾父祗事有勞宜膺慶賞許其回授時乃
異恩茲錫命書序進爾秩往精世業以稱所蒙可

推易副使兼翰林醫官副使潘先之可特轉一

官制

勅具官某爾以方劑之勤奉事王府閱歲已久宜錫恩

章擢進厥官往其抵服可

醫官卓遵國可轉一官制

勅具官某爾父以醫診之良勞列可獎移恩子姓進爾
官榮其往欽承益勤世業可

東頭供奉官劉選可轉一官制

勅具官某爾出入行陣驍勇有聞稽其戰多宜有優賞
進官三等昭示寵嘉圖稱所蒙無忘忠義可

崇班張璠與轉兩官東頭供奉官張瑛與轉一

官制

勅具官某等爾等奮武疆場克有戰多幕府以聞朕所
嘉尚賜遷品秩以勵遠臣往復新恩益思報稱可

東頭供奉官王世益衛采各轉一官制

勅具官某爾等奮武疆場克有戰多幕府以聞肆遷品
秩以勵遠臣往服新恩益思報稱可

三班奉職王從善左班殿直李弼各轉一官制

勅具官某等官闈崇封恩加外屬以名來上朕所嘉從

往服寵榮勿忘勤勞可

左藏庫副使尹正供備庫副使兼通事舍人潘

珣可轉一官制

勅具官某等宸閣定儀成書來上爾等與有勞勩宜錫
恩章序進厥官往承無數可

醫官王處厚可轉一官制

勅具官某爾弟師厚宣醫有勞宜錫恩章迺以回授用
進爾秩往其欽承可

右侍禁蘭泰舒世亮右班殿直陳絳可各轉一
官制

勅具官某等官闈嗣慶爾等俱以祗奉之勞與陞品秩
服茲寵命無替恪勤可

降授內殿承制李青鋼可轉一官制

勅具官某爾統率所部擊賊有功宜進厥官以示甄獎
往服寵命尚加勉哉可

朝奉郎劉辟疆可轉一官制

勅具官某爾曩奉使輶往按保伍服勤職業克有事勞
抗言祈恩朕命甄錄進官一等於爾為榮可

大理寺捉事使臣朱渙可轉一官制

勅具官某惟爾緝捕之勞宜膺賞典進官一等往務欽
承可

西頭供奉官張彥廓可轉一官制

勅具官某祈事宗藩恪勤不懈茲以恩數祗進爾官用
錫恩章往其祗服可

內殿崇班劉宗彥可轉一官制

勅具官某惟爾營繕之勤宜有甄獎進官一等往服恩
章可

承議郎張勗東頭供奉官辛宗可各轉一官制

勅具官某等朕建外宗正於洛師今措置就緒宗子肅
戢雖朝廷教養之備爾預有勞序進厥官以示甄獎尚
加勉哉可

蕃官皇城副使葉吉特可贈三品制

勅具官某爾郊職邊郵沒於王事忠義之節有惻朕心
優錫愍書以慰寃宥尚其不昧亦克敬承可

內崇班閣門祗候殿中省尚贊奉御劉安國可

轉一官制

勅具官某爾擢在御府勤勞不愆逮茲終更法有褒賞
用錫名命叙進厥官往服朕恩愈加勵勉可

東頭供奉官默特博與轉一官制

勅具官某爾以驍勇之資遇敵決勝斬馘既多兵無亡

失進官一等以示寵嘉往服恩章愈加激勵可

| | | | | | | | | |
|--|--|--|--|--|--|--|--|--|
| | | | | | | | | |
|--|--|--|--|--|--|--|--|--|

欽定四庫全書

摘文堂集卷八

宋 慕容彥逢 撰

制

皇城副使某與轉兩官制

勅具官某清平之使惟爾禦敵追奔克有勞列進官二等以示寵嘉往其欽承無替忠恪可

皇城副使沈貴與轉兩官西京左藏庫副使何
先明供備庫副使董修古東頭供奉官馬制蕃

官左藏庫副使吹忠可轉一官制

勅具官某等惟爾決戰取勝功緒可嘉宜進官榮以示
甄獎往承無替嗣有恩章可

前內殿承制董厚與轉三官制

勅具官某爾驍勇過人臨敵用命率先士卒以立戰多
宜錫優恩昭示獎激進官三等其往欽承可

東頭供奉官密桑與轉一官制

勅具官某順寧之役爾預有功宜進厥官以勵忠敢往

承無替朕不弭忘可

蕃官皇城副使旺默星及蕃官左藏庫副使旺
密桑各與轉一官制

勅具官某等爾深入寇境決戰立功帥司以聞宜有甄
獎遷官示寵於爾為榮可

東上閣門使楊應詢可轉一官制

勅疆場之臣朕所矚察錄其勞列錫以恩章具官某材
藝之優擢在邊要審於備豫斥候惟明不有褒陞何以

示勸進官一等其往欽承可

東頭供奉官高士侯可轉一官制

勅具官某爾被堅執銳以立戰多閱級序恩昭示獎激擢陞位秩其往欽承可

左班殿直种師閔與轉三官制

勅具官某爾深入決戰鷙勇可嘉帥臣奏功閱級第賞進官三等其往欽承可

蕃官文思副使賽音與轉一官制

勅具官某爾逢賊決戰以克有功鷲勇之資良可嘉尚
按級序賞其往欽承可

西頭供奉官田稔與轉兩官蕃官東頭供奉官
翰明善與轉兩官蕃官供備庫副使香瑪與轉

一官制

勅具官某等爾等乘勢追襲誅馘強敵稽其功次擢進
厥官往服恩章無替忠敢可

右侍禁侯公瑾可轉一官制

金匱要略卷八
卷八
勅具官某惟爾祇事恪勤克有勞列宜膺懋賞擢進厥
官往服命書尚多後祉可

內殿崇班策喇卜沁與轉一官制

勅具官某爾臨敵驍勇克有戰多擢進厥官以示嘉獎
欽予時命尚其勉旃可

東頭供奉官張士廉西頭供奉官馬先賀世安
左侍禁南信可各轉三官制

勅具官某惟爾等逢賊決戰斬獲既多幕府以聞宜加

優賞進官三等往其欽承可

降授西京作坊使孫慶可轉一官制

勅具官某爾斬馘既多仍執強敵帥司條上功狀甚明擢進厥官往承無斁可

西染院使王元轉兩官制

勅具官某惟爾奮武邊郵誅擊強敵兵無亡失閱級為多宜錫命書昭示嘉獎進官二等其往欽承可

三班借職李通可特轉一官制

卷八
勅具官某爾右選小臣而其姓名達於朕聽擢陞位秩於爾之所遇可謂榮也矣往服命書勉思稱塞可

故供備庫副使張吉可贈三官制

勅具官某惟爾効職邊陲死於行陣忠義之節朕心所嘉優進厥官以示褒卹魂而不昧尚克監茲可

右班殿直王伉可轉一官制

勅具官某惟爾率職有勞宜加甄獎進官一等其往欽承可

東頭供奉官劉振可轉一官制

勅具官某惟爾殺獲凶寇勞列可嘉擢進一官往加勵
勉可

魯斯結族蕃官侍禁節幹結斯結可各特與轉
一官制

勅具官某等爾等忠義不渝奮身內附捕獲奸細達於
朕聞褒進一官庸示獎激往加勵勉以副恩章可

蕃官東頭供奉官索琳密密保默齊皇城使默

實勒竒多伊內殿承制牛威名東頭供奉官
威女篇鼎內殿崇班蒙伽恪各與轉一官制

勅具官某某爾等奮身內附來造闕庭誠節若茲宜示
獎激用加褒擢序進厥官祇服恩章勉圖忠報可

東頭供奉官王正臣與轉一官制

勅具官某爾出入行陣克有戰多序進一官庸示獎激
往圖顯効以稱恩章可

侍禁吳志可與轉三官制

勅具官某惟爾奮武決勝誅擊寇攘闕級既多兵無亡
失宜推優賞以勵遠臣用錫命書擢官三等往加勵勉
務稱恩榮可

奉職王谷可轉一官制

勅具官某理寺修書既成來上惟爾預有勞績宜進厥
官往承朕恩無替勤恪可

文思使胡德淵供備庫副使耿臨供備庫副使
曹歷蕃官西京左藏庫使蘓默可各轉兩官東

頭供奉官張易文思副使張永德禮賓使曹修
蕃官左藏庫副使將凌蕃官供備庫副使香瑪
可各轉一官制

勅具官某某爾等服在邊郵見謂忠勇斬馘強敵克有
戰多帥司以聞按級第賞進遷位秩昭示寵嘉尚圖後
功嗣膺褒擢可

西頭供奉官陳殊可各轉一官制

勅具官某爾屢膺賞典引例自陳宜進厥官以勸勞績

往慎乃服勿替恪勤可

供備庫副使李琰路璉西頭供奉官李希成右
侍禁朱渙可各轉兩官制

勅具官某等茶場奏課爾預有勞宜進厥官以示甄獎
往加勤恪務稱恩章可

供備馮熙與轉一官制

勅具官某惟爾効職邊圉與有戰多抗章自陳朕命甄
叙進官一等時乃異恩往懋忠勤以圖報稱可

左班殿直劉湜三班借職朱渙右班殿直陳若拙
太醫丞趙宗元翰林醫官趙嗣先可各轉一官
制

勅具官某等軍器建局工用不愆爾率職於茲與有勞
勩進官一等往其欽承可

右侍禁胡誼與轉五官制

勅具官某爾奮武以忠抗賊決勝兵無亡失閱級為多
帥司奏功朕所嘉懌進官五等時乃異恩往其欽承益

思報稱可

東頭供奉官李佐可轉一官制

勅具官某爾統率所部禦敵有勞斬馘既多兵無亡失
進官一等以示寵嘉尚其勉旃益彰後効可

河東轉運判官王勤可轉一官制

勅具官某爾奉使晉郊經畫醜事課額增羨功緒可嘉
擢進厥官以示甄獎往服寵命無替恪勤可

奉議郎于彥佐可轉一官制

勅具官某爾出宰百里克以材稱察其設施頗見成效
宜膺褒賞擢進品階往承朕恩益思所稱可

皇后閣祇候使臣竇瑛祇應人石君許可各轉

一官制

勅具官某等爾以祇事克勤預膺慶典進官一等其往欽
承可

左藏庫副使閤門通事舍人劉公輔可轉二官

劉慎內殿崇班李庠東頭供奉官王坪各轉一

官制

案劉慎上
原脫官名

勅具官某惟爾追襲西寇克有戰多宜進厥官以示褒
賞往服恩命尚加勉哉可

內殿承制魏舜臣李彭年供奉官郭彥趙令洵
李永年彭汜侍禁葛鞏王汧張克敏李從古殿
直李淑程輓李中正奉職楊畿道借職李南仲
可各轉一官制

勅具官某等比修北輔爾預有勞宜進厥官以示甄獎

往承恩命無替恪勤可

承議郎翟師中可轉一官制

勅具官某朕設賞格付之有司凡子大夫趨事赴功利及吾民者不吝賞祿以寵之爾經畫渠堰克有成績宜進厥官以為能吏之勸往服恩命無替爾勤可

西頭供奉官張和可轉一官大將康師顏可特轉三班借職制

勅具官某等朕追懷恭懿錄其舊人爾等俱以祇奉之

勤錫茲恩典往加勵勉務稱恩榮可

故淑妃張氏姪張琬張瑾可並補借職制

勅具官某等故妃遺言祈恩近屬錫爾一命往其欽哉
可

婕妤張氏姪孫張承可借職制

勅具官某宮闈進位以恩回授命爾官使往其欽承可
故駙馬都尉曹司女夫進士時微可借職制

勅具官某爾為倩于尚主之家獲備官使無忘懃恪以

報恩章可

醫官周道隆任景章楊處厚大將狄道淳韓中
立書藝局藝學許成吳成翟易韓奕曹成趙永
圖陳德之張友王從志蹇仲恭韓球圖書局藝
學元方卞士端元導嵩從吉杜宗範郭惟簡可
各轉一官皇城使榮州刺史宋渙姪男棧皇城
使俞隨男儋左藏庫使杜公才兩姨弟劉渥已
上三人各回授補借職制

勅具官某等朕卽英祖舊邸崇建寶坊爾等或與祇奉之
勞或膺回授之典錫茲寵命往其懋承可

景福殿使明州觀察使楊戩親堂姪茂實可借

職制

勅具官某任某爾之諸父率職禁廷有勞當遷許其回
授用錫爾秩時乃異恩宜懋忠勤往圖報稱可

程植可三班借職制

勅具官某爾以勇敢効用克有戰功錫茲官榮往加厲

勉可

故三班借職紀育弟紀震可三班借職制

勅具官某弟某爾兄奮武戎行委身徇國嘉其忠節悼
念不忘錫爾以官往惟祇服可

兩朝佑聖太夫人重姪孫仲康仲弼可並三班
借職制

勅具官某等朕追懷恭懿褒卹其家錫汝恩章列于命
秩往服事任無忘恪勤可

太后殿掌牋奏耿茂直劉豫可並特授三班借
職制

勅具官某某爾等職在牋筦預茲慶恩命以官禁往祇
乃事可

楚州解發到呈試武藝人劉決可借職制

勅具官某爾試藝殿廷武勇可獎錫之命秩俾服事勞
往克懋承尚有褒擢可

百姓滑永全可三班借職制

勅具官某惟爾敏于筆札祇奉有勞擢自民編錫茲命秩仍加餼廩併示勸能往懋恪勤以稱恩典可

故右侍禁尚清思均坦可並授三班借職制

勅具官某等朕推恩死事之孤以勸忠義錫爾命秩其往欽承可

左知客押衙兼知進奏事崔通可三班借職制

勅具官某爾以勞能達于朕聽錫茲命秩其往欽承可故右班殿直馬宣男可三班借職制

勅具官某爾父死于行陣臣節可嘉優卹其孤維以示
勸授之命秩仍錫美名往服恩章勿忘忠孝可

故內殿承制李仙長男峻次男峻孫忠履可並
與三班借職制

勅具官某等爾父效職邊陲死于金革肆推恩典優卹
其孤服茲官榮無忘忠孝可

故太中大夫魏漢津親女夫張清可三班借職
制

勅具官某漢津之家祈恩于爾錫茲命秩其往欽承可
皇后三從伯王子約可三班借職制

勅具官某爾以戚屬之良預茲慶典官于武列往恤事
功圖稱所蒙莫忘忠恪可

故右侍禁張安民男思賢思忠可並三班借職
制

勅具官某等爾父奮不顧身死于金革推恩子姓惟以
勸忠服茲命書無替厥紹可

故三班借職紀育男塔達克與三班借職制仍

賜名紹

按永樂大典原本此題上有蕃官三班奉職李琮男永誼可三班借職制十七字文不相

屬與制詞亦不相符顯係當時繕寫誤衍今謹刪正附識於此

勅具官某男某爾父奮身疆場效死戎行有司以聞朕所悼念錄爾命秩并賜美名移孝為忠茲為克紹可

潭州都知兵馬使張繼隆可三班借職制

勅具官某帥臣上言爾有勞効命以官使往其欽承可

茶園班殿侍鄭永立可三班借職制

勅具官某爾父監督有勞宜加甄獎以資回授時乃持恩錫爾官榮往思所稱可

虎翼右第一軍都指揮使秀州刺史陳興男寶文御龍直長行李謹可並三班借職制

勅具官某等朕推恩死事之家以勸忠義命爾官使往其欽承可

三班差使房從壽可三班借職制

勅具官某爾久服事勞宜有褒叙命以品秩往其欽承

可

故右侍禁王卞女夫薛安靖可三班借職制

勅具官某爾之外舅以身徇忠推恩其家爾名來上錫
茲命秩往務欽承可

故右侍禁王卞男錫可三班借職制

勅具官某惟爾父奮不顧身死千金革宜推恩典優卹
其孤錫爾官榮往圖報稱可

睿思殿御前文字外庫書寫文字郭景倩可三

班借職制

勅具官某爾以書札之勞宜加甄獎錫茲命秩其往欽
承可

大將軍發運司前行徐楷可三班借職制

勅具官某惟爾久服吏勤克有勞列錫茲命秩其往欽
承可

入內內侍省內東頭供奉官周莘可入內內侍
省內殿崇班魏國惠和康佑夫人薛氏親姪薛

敏政太后親舅女之夫姜天祐可並三班借職

制

勅具官某等天寧錫慶國有舊章爾等或祇事內庭或綴名外屬咸預恩典進服官榮圖稱所蒙毋忘勵勉可皇弟故荆南武寧等軍節度管内觀察處置等使守太師開府儀同三司荊州牧兼徐州牧蔡王贈太師尚書令兼中書令加冀州牧改封韓王可特追封楚王餘如故制

勅朕賴神考之貽燕承上帝之降康薦獻祠宮奉衣冠
而永慕顧瞻甲館思居處以如存方深追往之誠爰有
因心之感具官某稟姿和粹迪已慈祥肅恭克著於朝
儀謙讓不愆於侯度毓德雖厚享年弗遐宜加增卹之
章昭示褒崇之意是用相攸大國益侈真封務極哀榮
優加愍飾光靈未泯歆懌在茲可

皇兄故河東山南西道節度觀察處置橋道等
使守太師開府儀同三司太原牧兼興元牧陳

王賜入朝不趨詔書不名贈尚書令加徐州牧
改封燕王可特加贈侍中追封吳王餘如故制
勅朕永懷孝思念茲皇考瞻衣冠於原廟如奉睟容覩
梁栢於寶坊是為甲館欲申雨露之感用推手足之恩
於其淪亡无所傷惻具官某蘊慮淳靜稟質惠和闡義
理而無克誣之心循法度而有柔嘉之則積德雖厚享
年弗遐宜增褒卹之章昭示友恭之意是用加隆名數
錫左省之貂蟬大啓土疆建全吳之茅社再推愍飾務

極哀榮尚想光靈亦知歆懌可

皇兄故河東山南西道節度觀察使守太師開府
儀同三司太原牧兼興元牧陳王賜入朝不趨
詔書不名可贈尚書令兼中書令加徐州牧改
封燕王制

勅朕立愛以始基王化因心以敦叙天倫迺瞻近親莫
如同氣生則體貌盡其禮歿則哀榮稱其情爰錫愍書
特優贈典具官某稟資忠孝持已謙恭作德而心日休

遜志而學時敏東平為善高密任真謂宜壽考之遐永
綏福履之茂比云寢疾亟往幸臨方決冀於有瘳胡奄
罹於不淑聞音哀慟觸緒感傷非極褒崇曷伸顧卹是
用峻加異數增煥寵章位冠上公名兼兩令恢土疆於
輿壤併牧徐方徙茅社於大邦改疏燕國以示賢賢之
義以隆貴貴之恩尚想英靈克知歆懌可

右驍衛將軍有奕可大將軍遙郡刺史制

勅具官某追往撫存務隆恩紀閔予同氣爰卹諸孤惟

爾休慶所鍾夙有令聞宜遷位秩加以郡章仍詔有司
優其餼廩併茲異數昭示眷懷祇服命書永綏祉福可
故燕王第三男賜名有常可右武衛大將軍制

勅具官某追往撫存務隆恩紀閔予同氣爰卹諸孤惟
爾休慶所鍾生有淑質宜加顯秩錫以美名仍詔有司
優其餼廩併茲異數昭示眷懷祇服命書永綏祉福

故燕王第二女可封郡主制

案封燕王第三女制
與此制同茲不並錄

勅具位某氏朕痛念天倫奄其淪謝推恩息女用稱情

文惟爾鍾慶有源夙著婉淑宜䟽湯沐主茲大邦仍命
有司繼其廩給往綏祉福以副眷懷可

安康郡主趙氏可封兩郡主制

勅朕謁款祠宮永懷祖烈念濮園之息女實先帝之諸
姑申錫寵章特頒異數具位某氏柔慈純靜淑慎謙恭
譽優圖史之傳動協聲詩之訓宜加爵命增衍郡封是
用考茲輿地之名隆其湯沐之奉庶幾褒揚於懿德豈
唯敦睦於近親往對恩榮益綏壽祉可

皇叔右千牛衛將軍仲瑄所生母楊氏可封瑞
安縣太君叔右千牛衛將軍仲憲所生母陳氏
可封長安縣太君叔嘉州防禦使世膺所生母
永安縣太君李氏可封咸安郡太君制

勅具位某彌月慶辰天畀純嘏均休屬籍時庸展親恩
如所生錫以封爵其綏壽考茂對寵榮可

皇伯故太保節度觀察留後仲臯可贈開府儀
同三司追封榮國公制

勅朕於屬籍之親哀榮終始務稱情文所以本人倫教
天下也具官某稟資和粹持已端莊序于內朝樂循矩
則奄其淪謝有惻朕心用錫寵章追加愍飾贈官開府
仍錫公圭尚其有靈克知歆懌可

中大夫守尚書右丞梁子美故曾祖任翰林學
士右諫議大夫贈太師中書令兼尚書令周國公
顥可贈開府儀同三司追封燕國公制

勅朕登用忠賢與之共政中外交慶僉曰得人因其拜

命之初寵以褒親之典具官某文章華國論議佐時官
懋諫垣職聯詞禁積德深厚是生曾孫克以才猷位于
近弼推原所自宜有追崇開府隆名禮同三事易封燕
土增衍舊邦服茲茂恩尚其歆懌可

故曾祖母唐國太夫人閻氏可贈冀國太夫人

制

勅仕宦而至近弼其淵源所自豈一日之澤哉故褒崇
之恩上及於三世所以慰孝子慈孫之心也具官某曾

祖母某氏稟質慈祥宅心敦厚德配君子化行閨門錫
祚流光慶鍾後裔擢與大政師言允諧推原厥初宜加
寵命相攸大國有此冀方增衍舊封以責寔宥尚其不
昧亦克歆嘉可

故祖任太子太傅致仕贈太師中書令兼尚書
令秦國公適可贈開府儀同三司追封鄆國公
制

勅朕眷禮大臣恩數優異褒親之典稱其情文所以為

在位者之勸也具官某佐佑昭陵實惟先正像列原廟
名紀冊書勲德顯融澤流後裔致位近弼紹休前人宜
錫寵章追加愍飾開府顯秩汶陽大邦增行舊封以慰
窳窳英靈雖遠尚其如存可

故祖母越國太夫人任氏可贈曹國太夫人制
勅朕紹隆孝治禮優輔臣追榮其先務極崇顯祿章愍
冊國有典常具官某祖母某氏柔順慈祥動循訓則儷
德先正慶鍾後人是生慈孫佐佑幾政宜膺寵命增行

舊封濟陰大邦俾為湯沐歿而不昧尚克知歆可

故父任尚書職方員外郎贈光祿大夫彥昌可

贈太子少師制

勅朕惟執政大臣望實顯隆致位近弼義方之訓自其
前人追加表揚用錫休命具官某材猷閎廓器識高明
揚歷仕途積有隱德潛于郎秩官不滿能源深流長慶
鍾子姓朕所柄用師言允諧東宮之孤名寵秩峻舉茲
賁飾期稱情文尚想英靈克知歆懌可

故母東平郡太君張氏可贈清河郡太夫人制
勅君子之念其親跬步不忘閔予執政大臣位雖顯矣
而親弗見其榮祿雖豐矣而親弗逮其養肆有追崇之
典以慰孝思之誠具官某母某氏柔明肅雖婉懿冲靜
婦道以順母儀以慈積厚愛隆鍾于子姓擢在廊廟惟
予得人宜錫茂恩加隆封爵清河大郡為爾相攸尚克
歆承永綏厥後可

妻文安郡君宋氏可封文安郡夫人制

勅朕惟卿士大夫其業履顯聞于時者必有內助矧執政大臣勲德之盛乎故疏榮之典及於閨門豈特示朝廷之恩亦以為室家之勸具官某氏稟資靜專率禮恭恪內行敕備宗姻所賢來嬪慶門克相君子夙夜警戒致位近司婦貴從夫國有彝制文安大郡時汝舊封登崇號名視品為峻膺茲異數壽祉維寧可

昭信軍節度觀察留後駙馬都尉郭獻卿可贈
節度使制

勅位列駙馬國之姻戚奄茲殂謝有惻朕心宜優褒卹之恩以盡哀榮之禮具官某宅心淳靜操行恪恭自膺選掄久彰譽處謂宜壽祉胡不永年作鎮大邦建旄秉鉞舉以追錫用稱情文尚其有靈亦克知享可

高永翼特贈正任防禦使制

勅具官某疆場之臣奮武行陳朕念其功閱其勞未嘗須臾忘也其或不幸以死則褒卹之儀在所加厚爾忠勇自効積有戰多方膺寵嘉俾虔武服云胡不弔遽以

疾終禦侮隆名特優贈典尚其不昧享此顯榮可

正議大夫致仕宋喬年特贈金紫光祿大夫龍

圖閣學士制

考終天命享有死生哀榮之隆追錫爵名相其春秋窀
穸之事凡今恤徃孰盛與夷乃眷賢勞特隆異數具官
某名臣之後尚有典刑近侍之華鬱為國器方將顯用
以究遠圖曾不有年嚮用茲福然自古有死疾沒世而
無稱太上立言惟托名為不朽其加五命之寵以慰九

原之思嗚呼傷哉蔑之命矣反席於寢嘉爾易箚之言
納書於棺副爾乘車之錫可

武勝軍節度觀察留後王厚可贈節度使制

勅疆場之臣朕所矐卹於其淪謝宜示褒崇具官某曩
膺選掄往督西旅前人是似於國有勞品秩寢隆寵榮
未艾云胡不淑遽以疾終追錫使名俾建旄鉞時維優
典以慰九原尚其有知亦克歆懌可

宮人掌記張氏可封大寧郡夫人制

勅具位某氏朕念茲恭懿保佑兩朝奄及淪亡夙夜傷惻
褒崇賁飾既極情文錄其舊人益彰異數惟爾列于宮
寀勤必可稱昔事神考獲興潛邸疏封之典在爾為宜
相攸大寧啟茲湯沐往承恩命務保寵榮可

兩朝佑聖郡太夫人親嫂同安郡太君蔡氏可封
郡太夫人制

勅朕永懷恭懿保翊累朝始終懿勤年高德邵自其淪
謝虞悼不忘爰舉恩章施于近屬具位某氏閨房毓秀婦

德惟優宜膺寵嘉隆進封爵往其欽佩益介壽康可

耀州華原縣五臺縣真人廟封妙應真人制

勅某山川勝境仙聖所居其盛德懋功顯聞于世者朕必秩而祀之惟真人生於有唐見謂隱逸應物之迹具載史官廟食華原時乃鄉縣祈禳休貺美利在民肆加褒崇特建榮號尚其歆懌永福此邦可

臨江軍清江縣閣皂山景德觀葛仙翁壇封冲

應真人制

勅某山川勝境仙聖所居其盛德懋功顯聞于世者朕
必秩而祀之惟真人言行所稱咸造宗極出入無畛與道
翱翔壇于琳宮積有年所祈禳休應美利在民肆加褒
崇特建榮號尚其歆懌永福此邦可

光州孫叔敖廟祈禱感應擬遺愛侯廣信軍遂
城縣班妃廟祈禱感應擬文惠夫人制

勅某朕稱秩祀事廟食之神既載諸有司又賁以封爵
所以教天下之恭也惟神有德有功靈貺昭著宜從民

欲申錫褒章尚克歆嘉永福茲土可



欽定四庫全書

集部

摛文堂集卷九至十一

詳校官庶吉士臣陳若霖

侍讀臣孫球覆勘

謄錄舉人臣范翔集

謄錄監生臣周謨揚

謄錄監生臣俞錫玉

欽定四庫全書

稿文堂集卷九

宋 慕容彥逢 撰

制

宮正張氏可同知尚書內省公事制

勅朕惟國家建省於內以摠女官之職政本所繫蓋與外之中臺無以異也肆於用人考擇尤慎具官某氏性識疏通材資敏濟持身端慎莅事恪勤曩膺褒揚位於宮正業履之美門譽益彰宜服絲綸之言進聯喉舌之

任往加厲勉務稱寵榮可

宮人掌闈蕭氏可封司言制

勅具官某氏後宮二十四司分建寮案協贊內治豈惟
示恩以汝性質柔和容儀端懿恪勤忠慎率禮不愆自
列備官欽承無替嘉其譽處宜有褒陞用錫命書擢陞
位等宣傳啓奏命汝司之往對寵章益綏祉福可

宮人王氏可特授掌言制

勅某氏宮廷宣奏職在掌言屬於尚宮秩任清美惟爾

恪勤自飭婉靖有儀祇服事勞動遵內則錫茲榮品以示褒優往承欽恩豈俟多訓可

宮人掌珍韓氏可典記制

勅具官某氏宮廷宣奏職在掌司屬於尚宮秩位清美惟爾服勤禁掖進列備司恪謹有常咸謂敏濟典記之選以示寵嘉往其懋承永綏榮祿可

宮人典言喬氏可尚儀制

勅具官某氏後宮六尚之職分總二十四司聯事合治

與外廷之六卿無以異也品秩既崇選授維慎以爾稟
資婉靜履德懿柔恪勤能敏於事為恭穆動循於禮法
宜加明陟以示寵褒惟經藉音樂凡賓客朝會班序贊
拜皆總于尚儀其任可謂隆矣今以命爾豈不榮哉

宮人掌絲楊氏可司樂制

勅具官某氏朕閱茲恭懿奄及淪亡褒飾之文恩紀優
異肆有寵獎錄其舊人惟爾夙以專勤進列宮寮服職
愈勵克著譽言宜錫命書擢司音樂徃安祉福益保顯

榮可

婕妤劉氏可特授婉容制

勅國家設窠宮闈以聽內治惟九嬪掌教四德名秩隆
顯考擇之慎必惟賢柔具官某氏性資敏明儀矩端靚
動遵婦學言協聲詩夙興詳求擢叅顧侍恪恭不懈持
久益彰乃茲獻歲之初聿有後星之慶疏榮示寵厥惟
典常具進聯於六儀以登視於一品服茲茂渥福履宜
之可

平昌郡君韋氏可才人制

勅朕顧謨明命以承天休莞寢吉祥在予妃輔褒崇之
數茲惟典常迺形奏章移恩鞠女察其謙德特有嘉崇
具官某氏志慮柔明性資和適言容兼穆禮法文修曩膺
眷知肇啟湯沐服寵加懋稱譽日聞宜陞五品之封俾
為六宮之勸往安祉福茂對邦榮可

誥

鄭居中除同知樞密院誥

勅朕賴帝博臨中外晏肅思與良弼共承天休乃眷西
樞實總兵柄登貳厥職必惟一德之臣具官某方嚴惇
大沈靜粹和學全經術之醇識造古今之要曩自瑣闥
延寘禁林文章典嚴論議鯁諤閱日滋久聞譽益彰察
其公忠國是允賴宜陞右府列於近司於戲惟協恭可
以謀國惟遠慮可以濟功祇服訓言是為報稱可

鄧洵仁除翰林學士承旨誥

勅學士視草玉堂極儒臣之寵而承旨專奉密命則又

以其久次者為之祖宗已來士之與此蓋無幾也具官某業履端靖學問醇深揚歷清華進掌內制文章論議聲實顯隆閱日滋多朕所瞻察宜以舊制冠於禁林往其懋承以副寵渥可

殿中少監劉炳可免試除中書舍人誥

勅西掖詞臣與聞幾政討論潤色必惟其人具官某學有淵源文知體要揚歷清貫望實兼隆比自螭坳進直御府率職勤毖朕所簡知其蠲給札之儀擢寘代言之

列往加勵勉副朕異恩可

楊愿除中書舍人誥

勅中書基宥密之地擇屬惟難舍人演絲綸之言非才
莫據取諸已試茲謂得人具官某端厚無華清明不撓
有聞當世早著盛名仲舒潛心諸儒之論咸服何蕃正
色六館之節自高建歷華途挺然自守頃由柱史兼直
禁垣善惡謹於必書文章妙於行遠就陞厥次式副僉
諧夫大哉王言儻能早四海之聽則坦然帝制自遠追

兩漢之風其懋爾猷益稱朕意

龍圖閣直學士中大夫李南公特除落致仕誥
勅朕治四海以孝御羣臣以恩矧位列從班事經滿滌
子為父請朕所矜從具官某曩嘗廢居游該赦令寢還
職秩猶處於家子誠抗言條舉近旨特加甄叙俾復故
常往慎厥修以稱朕命可

口宣

賜皇子檢校太保鎮海軍節度使開府儀同三

司廣平郡王生日禮物口宣

卿毓粹皇闈承休霄極當誕生之初旦有加賜之彛儀
茂對寵光益綏祉福

就驛賜大遼國賀天寧節使副銀鈔鑼唾盂盂
子錦被褥等口宣

卿等使容有恪享禮無違宜膺頒賚之優昭示眷懷之
厚往資服用式奉燕私

開府儀同三司仲爰四月二十八日生日口宣

卿聯上宰之近班總屬籍之重寄德隆宗姓望顯朝倫
方誕毓之慶辰有寵頒之彛制用馳使指往諭朕恩

玉津園賜大遼國賀天寧節使副射弓例物口

宣

卿等循用賓儀出游射圃夙閑必中之技深嘉多獲之
能爰有寵頒以彰優遇

宣召翰林學士劉嗣明口宣

卿問學之優文詞之美宜演綸言之密仍趨郝席之嚴

其副虛懷益摠素蘊

賜臣寮口宣

有勅卿出將明命歸奏膚功陞聯上宰之班進視貳公之秩用彰優遇其即欽承

賜皇子感德軍節度使檢校少保韓國公提生
日禮物口宣

有勅卿襲慶皇支分輝霄極當迺生之初旦有加賜之
常儀祇服寵恩益綏壽祉

賜高麗使人相國寺燒香乾果子口宣

有勅卿等虔依象教申祝宸祺載念遠誠宜優禮遇特加寵賜其體眷懷

撫問荆湖南路臣寮口宣

有勅卿汝等俱被選掄外分寄任宜加循拊用示記存茲勅使軺往宣德意

撫問資政殿大學士宣奉大夫大名尹梁子美

口宣

有勅卿為時舊弼守予北門茲履嚴凝諒加葆嗇宜致
勞問用彰眷懷

就驛賜大遼國賀天寧節使副賜內中酒果口
宣

卿等並飭使輶來修鄰聘致匪頒於御府資燕喜於賓
筵示以寵私體茲優眷

班荆館賜大遼國賀天寧節使副回程酒果口
宣

卿等並將鄰幣舉穆賓儀茲既抗於歸旃已載臨於候館宜膺嘉賜用示異恩

賜陝西河東路臣寮御筆勅書獎諭銀合茶藥對衣金帶鞍轡馬及支賜等口宣

卿以勲德之隆為余掌武茲巡極塞克奏膚功肆親御於寶跗特寵頒於宸札仍加著錫併示褒章其體至懷尚膺多祉

賜熙河等賞功諸軍特支併犒設等口宣

汝等奮忠禦侮護塞奏功特有匪頒仍加旣賜茲為褒
寵其體眷存

撫問廣南東路臣寮口宣

卿汝等俱被選掄各膺寄任緬懷勞勩宜示拊循茲勅
使人往宣德意

撫問瀘南梓州路臣寮口宣

卿汝等祇奉詔條恪居官次宜加勞免以示記存茲勅
使軺往宣朕旨

賜知樞密院事鄧洵武已下罷散天寧節道場
香酒果口宣

有勅卿誠深享上義切愛君茲原甲觀之祥式効華封
之祝有蕃賜予爰示眷懷

天寧節尚書省御筵賜知樞密院事鄧洵武已
下酒果口宣

有勅卿服在帷幄時為股肱茲逢紀慶之辰爰錫示慈
之宴仍加好賜其體至恩

賜殿前指揮使高俅已下罷散天寧節道場香
酒果口宣

有勅御夙膺眷倚密侍禁嚴欣逢彌月之辰虔奉萬齡
之祝宜加寵錫以示茂恩

賜寧海軍節度使開府儀同三司永嘉郡王向
宗良已下罷散天寧節道場香酒果口宣

有勅卿位隆戚畹望竦朝紳屬逢出震之期虔奉後天
之祝有嘉終恪式厚匪頒

賜判大宗正事仲爰已下罷散天寧節道場香
酒果口宣

有勅卿德著宗藩任司屬籍茲獻後天之祝載嘉享上
之誠宜厚恩頒用彰禮遇

賜節度使豫章郡王孝參已下罷散天寧節道
場香酒果口宣

有勅卿等位顯朝班望隆宗翰慶乘乾之盛節修祝聖
之彛儀宜厚匪頒用彰眷遇

賜駙馬都尉石端禮等罷散天寧節道場香酒
果口宣

有勅卿等揚譽朝聯參華戚畹茲逢慶節申祝壽祺宜
膺頒賚之優用示眷懷之厚

賜大遼國賀天寧節人使朝見訖歸驛賜酒果
口宣

卿等奉幣宸廷弭節賓館迺賸禮容之飾宜膺好賜之
優聊浣途勤少資燕喜

賜高麗國進奉人使臘晨風藥口脂酒果口宣
有勅卿等修貢中都適逢蜡日有匪頒之庶品示眷遇
之異恩俾奉燕私以介祉福

冬節高麗使人就館御筵賜教坊樂花香藥下
酒上醞局白羊御酒酒果兼傳勸尚醞局供進
御酒口宣

有勅卿等來造明廷適逢令節錫茲燕衍侑以聲文珍
劑竒葩上樽嘉果併加存賜用示優恩

宣召翰林學士許光疑入院口宣

有勅卿問學宏深詞章粹美召自益部再直禁林方資潤色之工仍佇論思之密其摠素蘊用副虛懷

賜高麗使人到闕朝見酒果口宣

勅卿等夙將禮幣來造宸廷念遠涉於重溟宜特加於好賜用彰異數當體至懷

撫問河北東路沿邊臣寮口宣

有勅卿汝等俱奉朝恩恪居官次屬茲凝凜宜致拊存

爰勅使軺往宣德意

送判正旦使副公路與賀北朝生辰并正旦使

副相逢傳宣撫問口宣

有勅卿等選自朝紳肅將使指載念馳驅之久諒多跋涉之勞宜示記存特加眷撫

撫問成都府利州路臣寮口宣

卿等並膺朝寄克守官箴念忠馭之遠勤當炎威之方熾特加撫諭以示眷懷

宣召翰林學士承旨鄧洵仁口宣

卿問學深醇文詞粹美夙造詞林之直仍參經幄之聯
茲錫寵章進承密命其趨官次用副朕心

宣召翰林學士馮熙載口宣

卿術業之優詞章之美擢自學省延寘禁林方資潤色
之能仍佇論思之益其趨成命用副虛懷

賜新除宰臣鄭居中劉正夫口宣

延登宰衡翼贊機政撝章屢至深嘉冲守之光成命已

行方仰進為之美

賜新除知樞密院鄧洵武口宣

擢長樞廷蔽自朕志繼陳遜牘殊弗眷懷趣宜欽承勿
勤多訓

賜熙河等路茶藥等口宣

卿等選繇朝著職在方隅有嘉勞列之優當致匪頒之
寵欽承眷撫益勵忠勤

奏狀

應詔舉官奏狀

準尚書吏部牒奉御筆手詔節文令從官各薦人材聞
奏者右臣伏覩從事郎試辟廡博士陳詢術業純明論
議堅正前為常州州學教授當貢士之初體朝廷德意
推行詔令委曲詳盡多士鄉風雖耆艾老儒白首肄業
惟恐居後其所陞貢能得元豐舊人又伏覩朝奉郎監
在京權貨務虞芹材質敏達濟以恪勤曩知鄆州平陰
縣興修水利墾闢民田三千四百餘頃本路監司嘗以

功利尤著奏聞臣謂如詢之儒雅芹之吏能皆有趨事
赴功之實臣所脩知伏望聖慈特賜采錄謹錄奏聞伏
候勅旨

辭免召試奏狀

右臣今月二十二日准中書告報奉聖旨召臣試中書
舍人者聞命震恐罔知所措伏念臣幸蒙聖慈擢自踈
遠承乏諫省進備螭坳夙夜省循非臣犬馬之力所克
報稱叨昧寵靈方懼瘵敗給札明試豈臣敢當矧詞垣

以討論潤色為職獎任尤重選掄尤艱如臣材迂學淺拙於文辭儻不自量豈逃宸鑒伏望聖慈察臣誠懇特寢召旨庶幾微臣獲安分義謹錄奏聞伏候勅旨

除中書舍人舉自代奏狀

蒙恩授前件職準令節文諸侍從官授訖三日內舉官一員自代右臣伏見承議郎守國子司業蔣靜學術精深履行修潔文辭論議咸有本原與臣同鄉備詳所守臣實不如舉以自代謹錄奏聞伏候勅旨

辭免侍讀奏狀

右臣准閣門告命除臣兼侍讀者聞命震恐罔知所裁
伏念臣蓬華諸生行能無異誤膺眷察寢歷從班人微
望輕涓毫未效金華進讀儒學至榮自揣空疎愈難稱
塞儻復叨冒必速悔尤伏望聖慈俯矜誠懇俾安分義
特寢贊書所有告命未敢祇受

辭免兼侍講奏狀

臣聞命震恐不知所措臣頃蒙收召再貳銓曹仰惟天

地生成之恩至深至厚夙夜圖報顧未有涓毫自効矧
金華進講所以詳延儒臣而臣曩誤推擇久陪進讀空
踈非稱自知甚明豈當復冒寵榮以速官謗伏望聖慈
察臣誠懇特寢成命所有告命未敢祇受

辭免太子賓客奏狀

右臣准閭門告報已降誥命除臣太子賓客者聞命震
恐不知所裁伏念臣出於寒鄉分安卑冗偶緣搜擇寢
冒恩榮自列從班迨今十有四載曾微薄効仰稱萬分獨

賴聖慈閔憐孤拙坐糜餼廩默愧於心惟東宮寮察之
華以處時望區區自揆敢復叨塵伏望聖慈察臣悃悃特
還成命所有誥命臣愚未敢祇受

除兼太子賓客舉自代奏狀

伏見承議郎權發遣夔州路提舉學事惠柔民性資
冲粹職守靖共篤學有文邃於經術歷官中外衆所推
稱舉以代臣寔允公議

辭免再除中書奏狀

右臣准常州送到尚書省劄子奉聖旨除中書舍人令
乘遞馬疾速發來赴闕供職者聞命震恐罔知所措伏
念臣曩冒寵恩備位詞掖才弗克稱默愧於心矧茲
艱苦之餘舊學荒廢討論潤色豈分之宜伏望聖慈
收還成命別除臣外任差遣臣見為傷暑不安依例乘
船起發前去只候稍安復時乘遞馬至國門聽候指揮
謹錄奏聞伏候勅旨

辭免除起居郎奏狀

准閣門告報已降告命除臣依前承議郎守起居郎者
聖恩深重非臣犬馬之力所能報稱伏念臣材疎學淺
聞譽非優誤膺選掄代匱右史夙夜省循實懼叨昧
敢圖眷獎復有遷陞矧臣載筆螭坳閱日未久儻冒寵
榮必速瘵敗伏望聖慈追寢成命俾小臣獲安分義

辭免監察御史奏狀

右臣今月初五日准閣門告報已降告命除臣依前官
守監察御史者聞命震恐罔知所措伏念臣頃繇學官

賜對便殿進說淺陋日候罷斥陛下不求備於臣擢寘
東觀已出叨昧就職未幾又蒙聖恩有此除授方陛下
紹隆先烈厲精庶政循名責實允釐事功宜得明敏練
達之士俾任臺察以肅吏政如臣蠢愚豈當冒處兼臣
之從祖父瓘娶知樞密院事蔣之奇從父兄之女雖臣
於之奇非合避親及從祖父從祖母皆已亡歿然終非
所安伏望聖慈察臣誠懇特賜追寢成命所有告命未
敢祇受謹錄奏聞伏候勅旨

辭免兵部侍郎奏狀

右臣准閣門告報已降告命除試尚書兵部侍郎者聞命震恐罔知所裁伏念臣頃以憂患餘生誤蒙眷錄召自田野再冒詞垣方陛下聖神大有為之時立政用人皆出宸斷從容裁處言成典謨而臣猥以荒疎掌帝之制雖聖度優假寵以褒稱顧自知甚明日懼瘵曠貳卿之擢豈臣敢當伏望聖慈察臣誠懇收還成命以允師言所有告命臣未敢祇受

除吏部侍郎舉自代奏狀

伏覩承議郎新授宗子博士邵楹學術醇明操修端潔
試藝紹聖占等甚優舉以自代實允公議

又舉自代奏狀

伏見尚書都官郎中邵濤明於經術議論有餘神考造
士之初首應升選歷踐官次恬靜不渝舉以代臣寔允
公議

除兵部侍郎舉自代奏狀

右臣伏見辟廡博士陳詢學術純明行義修潔頃為常州教官當諸路貢士之初能體朝廷德意推行學政郡人說服雖白首老儒鼓篋就業自以為晚察其業履可謂成材舉以代臣寔允公議

辭免除刑部尚書奏狀

除臣刑部尚書者聞命以還怔營罔措伏念臣出於寒鄉最為孤進寔緣推擇猥玷使令自遣從班於茲十年心雖許國初乏事勞智昧保身嘗嬰罪悔頃頒召札再

貳銓曹惟雨露瀟滂之私實天地生成之造徒殫千慮
曷報萬分敢冒眷憐進膺擢序輒伸危懇上浼聰聞冀
追寢於贊書俾獲安於愚分所有告命臣未敢祇受

除刑部尚書舉自代奏狀

伏見宣德郎守左司員外郎曾開學識醇明行能優異
翱翔靡類進歷省曹靖共不渝衆所嘉尚倘擢華要必
有可觀舉以代臣寔允公議

乞賜神宗御集奏狀

右某等叨冒寵靈待罪諫列當陛下紹述大有為之時夙夜黽勉期效萬一而材識卑下加以聞見不廣不能盡知熙寧元豐謨訓之詳故期年於茲涓埃無取伏見神宗皇帝御集已成故事嘗賜兩制以上臣寮臣等出於迫切輒昧萬死欲望聖慈特賜臣等各一部俾得研精覃思於其間庶幾備顧問論朝政咸有依據以稱陛下優假諫臣之意臣等不勝大願謹錄奏聞伏候勅旨

論黃甲擬官奏狀

右臣伏見神宗皇帝既廢明經學究科特設新科明法
優為恩例至黃甲擬官俾先進士注諸州司法蓋將以
變革舊習故其初不得不然紹聖四年朝議以此法行
之既久昔人之為新科者十消八九矣恩例之優宜亦
少損乃以司法及其餘判司闕袞從上差注元符三年
十二月中因省部勘當遂罷紹聖指揮更不施行臣契
勘新科明法等入徒誦其書未必曉其義若以進士素
不習法難以輕授司法職任則其餘判司等官或以治

獄或以聽訟亦未嘗待其學而後授之也朝廷取士患
不得實材果得實材何施而不可伏望聖慈特降睿旨
將來吏部注新賜及第進士出身等人並依紹聖四年
四月二十三日指揮施行所貴德澤均被上稱陛下造
士之意謹錄奏聞伏候勅旨

乞殿中省別處置局奏狀

右臣伏為殿中省見在門下後省權暫置局內殿中丞
許似孫見任執政官之子臣為言官與之同省慮涉嫌

疑伏望聖慈特降睿旨令殿中省別行踏逐權暫置局
去處謹錄奏聞伏候勅旨

國子監舉主奏狀

右臣伏覩陛下追述神考美意自京師下至郡縣恢崇
學校以幸教天下增置諸路教官所選惟經術行義之
士三代庠序之盛宜無以加此然諸路教官奉行貢士
法事體比昔為重今員數既衆又皆一時之選而資任
多係選人國子監長貳歲舉主官止八人施之太學正

錄且猶不給况諸路教官如此其衆耶伏望聖慈特詔
有司稍增國子監長貳舉官舊格使凡預師儒之選者
益知自重以稱陛下長育人才之意謹錄奏聞伏候勅
旨

論武學上舍生奏狀

右臣伏覩神宗皇帝聖謨淵遠思患豫防雖天下治安
不忘武備自熙寧中特建西學招徠羣材訓以武志凡
考選升補之法皆出宸斷士之游於斯者以程文觀其

器識以弓馬閱其藝能以規式察其行義其自上舍免
省試者積累歲月速不下十年須程文弓馬數在優等
又其行義可稱乃為應格雖應免省試格又從上共不
得過三人其教之如此其備養之如此其久擇之如此
其精逮其授官歷任與夫取一日之長者無甚輕重其
非次進拔缺然不聞甚未副建學造士之意伏望聖慈
因殿試武舉進士唱名內該上舍免省試以上恩例者
命執政審其人材稍加獎擢庶幾學者嚮風罔不激勸

以作成其才上稱任使謹錄奏聞伏候勅旨

論州縣社稷壇壝不修奏狀

右臣伏覩近降手詔命有司講究禮樂之情文以章天下可謂太平甚盛之舉臣竊惟禮有五經莫重於祭祭之秩於典者多矣自京師至於郡縣春秋祈報徧於天下者惟社稷為然今郡守縣令不深推其故以是為不急之祀壇壝不修甚者民得畜牧種藝於其間春秋行事取具臨時乃或器用弗備粢盛弗蠲齋戒弛懈裸獻

失度甚不稱陛下秩祀典之意臣契勘社稷之祀勅令該載詳悉欲望聖慈特降睿旨戒勅郡縣務在傳承命諸監司巡歷所至察視壇壝其不如儀者具事以聞庶幾官祇肅祀事神用願享謹錄奏聞伏候勅旨

論州縣學講堂及齋名奏狀

右臣伏覩神宗皇帝恢崇太學以幸教多士製堂及齋名以寓訓迪學者游於斯仰之若日星之麗乎上也陛下緝熙先猷州縣學校咸建師長命以貢士而名堂及

齋類多前日官司隨意建立或怪僻不馴或稽考無據或違背經旨以此揭示多士甚未稱朝廷育材之意臣愚欲乞府界及諸路州縣學應堂及齋名除不許用太學敦化等堂名及論秀丞髦等職事齋名外並須用太學諸齋名即不得存留舊名及別有創立如蒙聖允乞下有司頒降施行謹錄奏聞伏候勅旨